




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.6.28





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.6.28



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.6.28




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.6.28

Ald. 1/6



Ex Libris Joannis Nenoini
1874





SCIPII GENTILIS *XIII.*
SOLYMEIDOS
LIBRI DVO PRIORES
DE
TORQUATI TASSI.
Italicis expressi.



V E N E T I I S,
Apud Altobellum Salicatum, 1585.
Ad Fortitudinis Insigne.

SCIPPI GENTILIS


SOLYMEIDOS

LIBRI DVO PRIORES

DE

CONSTATI A. 1511





ALDVS MANNVCCIUS
SCIP. GENTILI.



PTIME cecidit, vt, quo ego tem-
pore miras animi tui virtutes prae-
dicari audiebam a praestantis &
ingenii, & doctrinae viro, Io. An-
tonio Fenoto, nobilissimus vir,
Alexander Contarenus, Lutetia Venetias, cum
Clariss. huius Sereniss. Reip. ad Christianissi-
mum Regem Oratore, Ioanne Mauro, E-
quite, reuertens, libros duos Solymeidos, de
Torquati Tassi Italicis a te expressos, secum
attulerit. Hos ego (quae eius est benignitas)
commodatos legi; & ita legi, vt etiamnum le-
gam; nec eos de manibus demittere possim.
Nae tu alter Tassus: nae Tassus alter tu. Vix vt
nosci possit, qua primum lingua scriptum Poe-
ma. ita pure, ita concinne, ita apte omnia a te

A 2 sunt

funt disposita, vt nihil desiderari queat. Mirum me desiderium tenet integrum Poema legendi. quod quando te audio conficere; fac, quaeso, quātum me amas, quem & absentem, & ignotum ames oportet, vel inuitus, si tibi, & humanitati tuae constare volueris, vt quamprimum ad nos perferendum cures. Sed & ea, quae a te scripta sunt; in primisq. Eclogam, quam de Christi Natali ante sex annos, quartumdecimum annum agens, edidisti. Fecit sponforem habeo: cui facile credo, affirmanti, nihil te humanius, nihil suauius esse posse. Et sane est hoc Patriae tuae proprium: quae, in Piceno, satis celebris, Sanctum Genesium, praestantes viros tulit; in quibus est amicissimus meus, Guidus Gualterius, bonarum litterarum laude insignis; cui te iam adiungo. Vale; & me tuae laudis studiosissimum scito esse. Venetiis. Kal. Mart. c 15 15 xxcv.



DE TASSO.




*Vtis abditus, ac nigris tenebris,
In quas præcipitem dedere cæci
Infans Lydius, Antiique Diua,
Britannos tamen ultimos & Indos
Torquatus Solymis ciet Camænis,
Et liber volat aurea per orbem
Gloriæ sibi remigante penna.
Omnes vicerat hætenus poetas
Tuscos, Ausoniosque, Doricosque:
Ipsas nunc tenebras, Deosque vincit.*



P O E T I S I T A L I S .

Haec ego Tyrrhenis nuper modo cognita Musis
 Vrbi Quiritum carmina
 Induxi: licet Vrbe procul septem arua Trionis
 Picenus hospes accolam.
 Hic ubi fert niveos Tamesis sub caerulea cycnos,
 Thorisque pascit herbidis
 Riparum, atque nouum pelagi lauit Ilium aestu:
 Fontem refusus ad sinum.
 Et mea me quamuis terreret quattuor atas
 Lustris adulta lubricis:
 Quamuis Caesarea studia in contraria leges
 Pectus vocarent tunc meum:
 Ipse tamen monitis istae aggressus amicis,
 Patrisque cari iussibus,
 Parua quidem, verum & paucis sub lumina vitæ
 Exclusa solibus fero.
 At vos, Italiae sacras qui vatibus auras
 Cælo beato carpitis,
 Hunc precor externas vatem deserte per oras
 Canis loquendum sæculis:
 Quem Maro, ab Elysia surgat si valle, Latinis
 Donaret auribus libens.



SCIPII GENTILIS SOLYMEIDOS



LIBER PRIMVS.



*RM A, ducemque cano, Solyme qui primus in oris
Aeterni tumulum regis, monumentaque fecit
Libera: multum ille & dextra molitus, & arte:
Multa quoque & magni passus sub pondere facti.
Obstitit hic horrens frustra Cocytus, & omnis
Mixta Asia, Libyaque manus: namque optimus illi
Fauit, & incerta socios regione vagantes
Sancta suos, hominum genitor, sub signa coegit.
O tu, quae falsis non umquam Heliconis in antris
Aurea labenti circumdas tempora lauro:
Sed calo in magno choreis immixta beatis
Siderea frontem fulges innexa corona
Aeternum: tu Musa mea nunc influe menti:
Tu liquidam indulge vocem: tuque optima Virgo
Da mihi, da veniam facilis, si vera nitenti
Ornatu intexam fingens, alijsque pererrans
Delicijs spargam, atque tuis. nam sensibus omnes
Scis homines. scis Diua illuc illabier imis,
Blandus ubi plures fundat per dicta lepores
Parnassus, mollique inspersum carmine verum*

Allexisse

SOLYMEIDOS

Alexisse sui fugiens se vulgus amore.
 Ut, dare cum puero latices conantur amaro
 Absynthi, flauo contingunt pocula circum
 Oras melle prius. raturum bibit ille liquorem
 Interea, & tali deceptus fraude valetscit.
 Tuque adeo prestans animis, ALFONSE, furentis
 Qui me Fortune dilatum subtrahis orbi:
 Qui placidos aperis portus mihi, dum vagus alto
 Errarem, & scopulos inter iactarer, & undas
 Pene haustus. tibi quas voto ceu supplice quondam
 Sacraui, leto chartas en accipe vultu.
 Forsan tempus erit, tua cum facta incluta bello
 Quae nunc attigerim tantum, maioribus ausim
 Auspicijs veri praesaga condere lingua.
 Atque equidem merito fiet, (si tempore gentem
 Villo hominum regis florentem pace videri
 Contingat: ratibusque & equis admixta superbis
 Immiti studeat praedam diuellere Thraci
 Iniustam, ingentem) ut terra tibi sceptrum, vel alti,
 Si velis, imperium cedat maris. ergo age nostris
 Carminibus vacuas praebere nunc amulus aures
 Gofredi, & bellis nunc primum assuesce futuris.
 Iam sextum referens annum se Mundus agebat,
 Hesperius postquam summis conatibus instans
 Appulit Eois per pontum exercitus oris.
 Iamque manu Nicæam Asiae, centumque potentem
 Antiochi, furtum belli, cum turribus urbem
 Ceperat: atque una Persarum hic cedere phalanges
 Strauerat innumeras victor, domitamque premebat
 Antadaron, placidique dehinc noua tempora veris
 Spectabat. Ver pene aderat, pluuiosaeque brumae
 Nubila desierant armis afferre quietem:
 Cum pater aeternus solio, quod parte refulget

Lucidiore

Lucidiore poli, & quantum super intima Ditis
 Atria siderei surgunt templa aurea cæli:
 Tantum illud celsis extat sublimius astris:
 Omnia prona simul vidit, quæ maximus orbis
 Continet, & Syria defixit lumina terris.
 Atque hic Europa proceres adspexit, & illo
 Quo curas hominum visu speculatur opacas,
 Gofredum intuitus sancta de sede Tyrannos
 Dejcere, & Solymæ regno telluris auentem:
 Immotaque fide, ac diuino numine plenum
 Nil mortale suo versare in pectore sensit:
 Non sceptris, non illum opibus, nec honore moueri.
 Contra autem humanis intentum fastibus esse
 Baldonium videt, ac populis inhiare subactis.
 Inuisaque sibi Tancredem luminis auras
 Ducere. sic vani stimulis agitur amoris.
 At Calabrum qui vrbes, & Iapygis arua regebat
 Boemundus, dicta Antiochi de nomine gentis
 Alta nouo cernit moliri exordia regno.
 Hic leges, sanctisque bonas cum moribus artes
 Instituit, veri cultus hic Numinis optat
 Inferere: hac hæret cura defixus in vna.
 Cernit & ingentis bello feruere Rinalti
 Ingenium, segnemque animos odisse quietem.
 Non illum imperio, non illum ducier auro,
 Sed laudum ardenti vastaque cupidine ferri
 Conspicit: & Guelfi totum dicentis ab ore
 Pendere, ac veterum legere hinc exempla parentum.
 Verum, ubi iam cunctos hominum Rex altus Olympi
 Peruidit Ceca mersos caligine sensus:
 Tunc unum aligeri splendenti ex agminis ora
 Ad sese vocat, in primis qui pluribus ibat
 Alter. quique animas inter meliora sequentes

B

Nuntius

adiore

S O L Y M E I D O S

Nuntius atque Deum, cali decreta sub auras
 Fert gratus, caloque refert mortalia vota,
 Vota, precesque pias, & puri pectoris ignem.
 Huic Deus: O animi interpres fidiſſime noſtri,
 Vade, age, Goſredo Syrijs mea maxima regnis
 Dicta ſer, & iuſſis cunctantem mollibus imple.
 Nam, quæ tanta mora eſt? quid tempus bella ſub iſtud
 Arcibus auxilium Solymis latura reſidunt?
 Cogat concilio proceres, tantoque ſedentes
 Excitet inſtigans operi, quo ſummus in aſtris
 Ecce meis ductor legitur mihi: mox quoque terris
 Ingenti clamore virum, plauſuque legetur.
 Dixerat. ille Dei imperio parere parabat.
 Et prius inuiſam multo nunc aere formam
 Veſtit agens circum, atque oculis mortalibus aptam
 Reddit: & humanos artus, humanaque fingens
 Lumina purpureo diuum ſimul afflat honore.
 Ac medius iuuenemque inter, puerumque locatus
 Exornat flauos radianti vertice crines.
 Tum demum longas humeris fulgentibus alas
 Induit, immenſum celeres, quas candida textit
 Pluma: ſed extremas ambit color aureus oras.
 Quæ ſublimem illum, nubes dum tranat & Euros,
 Tellurem ſuper & pelagi vada carula portant.
 Atque ita compoſitus, viſamque allapſus Idumen
 Cernit edorata Libani iuga conſita cedro
 Hic paribus nitens celeſtis nuncius alis
 Coſtitit: hinc toto ſe corpore in æquora præceps
 Miſit agri Syrij. roſeo iam gurgite Phæbus
 Surgebat, medium liquidis caput abditus undis:
 Iamque deo matutinus fundebat amicas
 Goſfredus de more preces: cum flammeus olli
 Ales ab Eo veniens apparuit ortu,

Tempore

Tempore par soli, sed solis lumine maior.
Tunc ait: En sacro, Gofrede, en utile bello
Tempus adest. quæ vos miseram mora tanta Sionem
Ire vetat? Solymoque hostem depellere templo?
Concilio tu coge duces, sanctique laboris
Languentes ad finem animos tuos incitet ardor.
Te Deus ipse ducem ductorum legit: & illi
Ad tua se proni submittent sceptrâ volentes.
Hæc tibi ferre Deum genitor me iussit Olympo,
Arcanamque suo mentem tibi nomine pando.
O quas nunc primum deuictæ ex hoste coronas
Te sperare decet? quantas te voluere curas
Commisse sub mole manus? dein talia fatus,
Ad superos, atque alta volans euauit astra
Restitit attonitus dictis, offusaque tantis
Lumina deiecit radijs Gofredus, & hæsit.
Verum, ubi mens valido primum releuata stupore est,
Atque agitat secum ipsa. Quis? & quo numine mundi
Actus ad ima fuit? quæ verba sibi auribus hausta?
Si prius optabat, nunc vero flagrat amore
Finem imponendi bello, quò lectus in omnes
Ductor erit, cogente Deo: non culmine tanto
Elatum populari animu quia turgeat aura.
Sed, velut vberior flamma confusa fauilla est,
Sic menti coniuncta Dei mens illius ardet
Arma volens. Ergo socios inuitat, ut illo
Dispersi non longe loci stationis in vnum
Conueniant. addit pueros, additque tabellas
Assiduo, monitisque preces immiscet honestis.
Et, quidquid generis memores ad se allicit alti,
Impellitque viros, virtutisque excitat ignes
Sopita, nunc ingenio primum ille videtur
Inuenisse suo: & verbis adeo ornat, ut idem

B 2

Vimque,

S O L Y M E I D O S

*Vimque, voluptatemque animis instillet eundi.
 Conuenere duces, quos cetera turba secuta est:
 Et solus Calabre princeps hic defuit ora.
 Pars extra muros, campoque tetendit aperto:
 Antadarus partem tectis, gremioque recepit.
 Militia vero procures (o magne Senatus)
 Solenni coiere die. quos maximus inter
 Aspectu his infit Gofredus, & ore sonoro.
 Duces superum regis, quos ille legendo
 Antiquas voluit Fidei sarcire ruinas,
 Armaque securos inter, terraque, marisque
 Deduxit, rexitque dolos pater: unde tot illi
 Tam paruo spatio bellantes egimus oras
 Sub iuga, cumque suo late radiantia signa
 Nomine per domitas tulimus victricia gentes:
 Non equidem (nisi mens adeo me credula fallit)
 Et dulces natos, & patria liquimus arua:
 Nec pelagi insidi vitam commissimus undis
 Longinquum aggressi bellum: ut per clara virorum
 Ora breui, vulgique sono veheremur inani:
 Barbaricæve sinu terra potiremur, & auro
 Premia nam tanto parua, atque angusta labori
 Fixa forent, frustra quoque suo cum sanguine vita
 Proditæ. Sed finis nostris hic mentibus hæsit,
 Quem peterent, clare muros, arcemque Sionis
 Expugnare, iugumque pia ceruicibus urbis
 Deicere, ac Solymis regnum componere terris,
 Securas habeat Pietas ubi candida sedes.
 Neu quisquam impediât, quo non vestigia summi
 Regis, & ingentem tumulum pius hospes adoret:
 Votaque de nixeo suspendat marmore templi.
 Ergo, quodcumque huc gestum fuit usque, periculo
 Magnum est, cura etiam maius: sed laudis honore*

Paruum,

*Paruum, siæ nihil; si alio sese impete vertant
Nostra loco, aut alijs sedeant regionibus arma.
Nam, quid profuerit totam sub signa coactam
Europam? atque Asia flammam sparsisse per urbes?
Si non regnorum moles constructa, sed ingens
Excidium tantos bellorum exceperit astus.
Non struit ille autem, humana sub mole locare
Qui velit imperium, paucos ubi patrius ipsi
Conciliat locus, aut alia de parte fideles
Religio, innumeris circum vallata profanis:
Atque, ubi spes omnis Graium præcisa virorum est,
Et procul Hesperius terrarum dissitus orbis
Haud ullam promittit opem. trahit ille ruinam
Verius, unde caput stagnis demersus Auernis,
Quem struxit, tumulo iaceat. tot millia gentis
Abdaridum, tot Persæ acies, atque inclyta rerum
Urbs fama, quam ingens Syria discludit Oronies:
Non opus id nostrum, sed cali dona fuere,
Sed triplex est parta modis victoria miris.
Hæc si, quam clemens horum dator, atque Deum rex,
Instituit, deflexa alium vertamus ad usum:
Ne repetat, vereor: neu nostri hæc didita claro
Terris fama sono, cunctis nunc fabula fiat
Gentibus, & populis quondam ridenda futuris.
Ne vero, ne quisquam usu dispergere tali
Munera tanta velit: sed qui alta exordia sumpsit,
Huic filo deducta pari cum fine sequatur
Tela suo, hic magnis operum respondeat orsis.
Nunc, cum tuta via est, nullisque obseptæ locorum
Obiicibus, nunc cum tempestas euocat anni,
Quid stamus? quid non Solymæa ad mœnia cursu
Tendimus? una manet nostris hæc meta triumphis.
O socij, o proceres, ego vos hic testor (at ipsas*

Has

S O L Y M E I D O S

*Has voces ventura virum, & presentia noscent
 Secula, nunc magis noscunt etiam agmina caeli)
 Aduenit tempus coeptis ingenibus aptum.
 Effluet hoc celeri lapsum pede, si mo'a nostrum
 Vlla retardet iter: vertet certissima rerum
 Se facies, vertent animi. presaga mihi mens
 Porro ait: in Solymos lentis si passibus itis,
 Mittet Idumaeo Pharius socia arma Tyranno.
 Dixit: & arrecte fremuerunt numine mentes.
 At Petrus solis agitare in montibus eum
 Assuetus, princepsque huius conaminis author,
 Tunc inter procures priuata in sede locatus
 Surgit. Quodque modo suasit Gofredus, & ipse
 Consulo. ait, veram quando nec vocis egentem
 Rem nostre, & nota vobis ratione probauit.
 Hoc ego nunc dictis vnum super omnibus addo.
 Si recte mecum relego, quae mutua vobis.
 Iurgia certatim ferme iactata fuere,
 Si varios animi sensus, si languida belli
 Officia, & medijs opera interrupta sub armis:
 Ex alio mihi fonte omnis litisque, moreque
 Causa fluit. nempe ex illa, quae summa potestas
 Nutibus in multos paribus librata recumbit.
 Vnus ubi Imperij molem, fascesque seueros
 Non tenet, ut pœnas meritis & premia reddat,
 Muneraque ut iustis, & honores partibus aquet
 Forma gubernandi multis ibi fluctibus errat.
 Vos quaeso, e membris vnum componite amicis
 Corpus, & his vnum presit caput omnibus. alte
 Prospiciens. uni vires, uni aurea sceptrum
 Cedite, & ille gerat regis vultumque, vicesque.
 Desierat senior. Iam, quae tu pectora; iam, quos
 Tu sensus o sancta Dei non influis. Aura;*

Tu mutis

*Tu mutis olim degenti rupibus afflas
Dicta seni, quibus Heroum corda imprimis: & tu
Affectus animis omnes, quos ceca libido
Regnandi, vel libertas, vel gloria saxit,
Eruis, inspergisque tuos. hinc vertice celfo
Illustres primi Gofredum Guelfus, & uno
Vilelmus simul ore ducem, patremque saluant.
Assensere alij. Partes nunc illius esse
Debent, concilio res cernere: iusta iubere:
Et bellum quocumque die, cui sederit hosti,
Inferre, & placitas victis imponere leges.
Quique pares illi fuerant, nunc iussibus aures,
Nunc faciles oculos mandantis nutibus aptent.
Iamque volans se fama virum diffundit in ora.
Gofredus tectis subito progressus ab altis,
Militibus spectandus adest, dignusque videtur
Hoc quo Ductores statuerunt culmine rerum.
Ipse salutantum voces, plaususque fauentum
Compositus placido vultu legit. atque ubi pronis
Parendi, & cari signis respondit amoris:
Imperat ut campo circum lustranda propinquo
Aurora veniente acies sese efferat omnis.
Iam liquidum sine more diem, sine more serenum
Eoo rediens Titan eduxerat orbe:
Cum castris miles sub signis prodijt omnis
Et Phæbi radijs & luce coruscus, athena.
Quippe pio ornatus ductori quisque videri
Summa est nixus ope. Ille ampli stans aggere prati
Hos in equis, atque hos pedibus cernebat euntes.
Nunc age Mens annos, tacitique obliuia Lethes
Exosa, ac rerum custos, rerum ordinis author:
Illa mihi ratio valeat, qua corporis eius
Dicam acies, dicamque duces: & carmine nostro*

Splendeat

S O L Y M E I D O S

*Splendeat illorum nigris fama eruta sacris .
 Tu Gaſa , tu prome tua , quod ſentiat omnis
 Diues , inextinctumque atas . Ante omnia primi
 Agmina ſe Galli campo oſtendere virenti .
 Inſula bis geminos inter quos protulit amnes
 Sequanio pratenta ſolo . germanus at illos
 Regius Imperijs Hugon regere ante ſolebat .
 Iſque , ubi conceſſit fatiſ , & luminis oras
 Deſeruit dulces moriens : conſueti petiuit
 Signa , ac caruleo florentia lilia campo
 Aurea Clotareo pubes inuicta magiſtro :
 Clotareo , cui non animus , ſed regia deſunt
 Nomina ſi qua duci deſunt . illa eſſera dextras
 Mille agit , & ſolido grauiter ſonat horrida ferro .
 Quam poſt inſequitur numero non impar , & arte
 Bellandi , grauibuſque armis , atque indole celſa
 Indiſcretus eques , patria quem natus eadem
 Rupertus fluuiio princeps deduxit ab Orna .
 Hinc ſua paſtores populorum inſignia ſoluunt
 Bina duo quorum hic Vitelmns fertur , at ille
 Nomine Ademarus . cæli tractabat uterque
 Sancta miniſteria , & Diuum curabat honores
 Pacis amans . nunc bella ferus , nunc aſpera bella
 Exercet , longosque premit ſub caſſide crines .
 Primus Arauſiaca muris , & finibus urbis
 Ter quinas rapuit turmas : nec ſegnius alter
 Irriguis Iſara campis , ac monte Cemeni
 Aequales numero iuuenes collegit , & armis .
 Excipit hos duplici Baldonius agmine , cuius
 Pars Geſſoriaco , & Morinum naualibus vdiſ
 Acta fuit : partem frater conceſſit ; ubi omnes
 Rerum vnus , procerumque datas molitur habenas .
 Conſilij bonus inde author , dextraque potenti*

Carnu-

*Carnutum vehitur princeps. hic quattuor, ille
In sacra sex geminas centeno milite classes
Bella ciet. Guelfus campo se proximus infert
Ingentem meritis fortunam ingentibus aequans.
Hic certo proprium per auos, longoque Latinos
Ordine, & Actiacos actum genus omne parentes
Commemorat: sed Guelforum stirpi insitus alta
Hinc nomen, sceptrumque capit: superamque regebat
Pannoniam, Rhenique amnem prope quidquid & Istrum
Alpicola Pati, aut veteres coluere Succi.
Verum his imperij materni finibus amplas
Adiecit virtute plagas: gentemque trahebat
Hinc modo, qua mortem contra, quo iusserit illa,
Ire iocum, ludumque putat. Sed querna domorum
Temperat indignam sub tecta tepentia brumam
Lata coronato celebrans conuiuia Baccho.
Quinque olim fuerat, patrijs cum cederet aruis,
Mille virum, vix ecce duum nunc explicat agmen
Reliquias Arabum Guelfus, quas ordine pubes
Pone premit, pubes auro per lactea colla
Fulgentes demissa comas, que Theutonas inter
Et Celtas, atque aquor agit: qua Rhenus apertos,
Mosaque perfundunt stagnanti flumine campos:
Frugibus, ac pecudum fetu latissima regna.
Et quas vicina misere in praelia turmas
Insula, Oceani vastas ubi molibus iras
Indigena, & rabidos extrudunt aggere fluctus.
Oceani, quod non merces ac robora siluæ
Texta modo, sed tota etiam regna haurit, & vrbes.
Mille in equis lucent numero: regit alter in unum
Commissos utrosque globum Rupertus. at illo
Maior adest gnatum regis de stirpe minorem
Vilelmum campis acies comitata Britannis.*

C

Illa

S O L Y M E I D O S

Illa quidem sumptis Euros non tarda sagittis
 Vincere: & Arctoa propiores continet Vrsa,
 Vltima quos rerum, totoque ex orbe dirempta
 Hirsutos altis demisit Hibernia seluis.
 Tancredes sequitur. tantis in millibus alter
 Non fuit (excepta pueri virtute Rinalti)
 Aut ictu melior, pulcroque decentior ore:
 Aut curis vulgi, & formidine celsior atra.
 Si qua tamen splendori operum leuis umbra suorum
 Officit obtexens culpa: solius Amoris
 Hæc fraus, error hic est: medijs qui natus in armis
 Adspectuque breui, curis feruentibus ales
 Pascitur, & lacrimis vires acquirit amantis.
 Fama est, qua dense Persarum luce phalanges
 Hesperia cecidere manu: fugientia postquam
 Agmina Tancredes nimio defessus in æstu
 Dimisit victor, labris ardentibus undam
 Optasse, & gelidum lateri nemus: isseque, quo se
 Allicit æstius mulcens fons vitreus auris,
 Humida saxa super, mollique virentia musco.
 Olli improuiso niveis hic paruit armis
 Tota micans præter frontem Mahumettia virgo.
 Venerat huc, ut frondè æstum, lymphaque lenaret,
 Ipsa quoque. Hanc ductor vidit, faciemque nitentem
 Admirans stetit, & placitis simul ignibus arsit.
 Rem miram, vix natus Amor nunc ære rigenti
 Accinctus, curru volitat nunc magnus ouanti,
 Captiuosque duces victor trahit. illa ubi frontem
 Contextit: rapit arma manu, & ni multa piorum
 Hostilis turba afflueret, cum principe sæua
 Ausonio, fidens animi, congressa fuisset.
 Ergo abiit, victoque procul Tancrede profugit,
 Solis quæ profuga est fati. sed enim illa decore

Vir

Virginis, & bellum vultu spirantis imago
Talis ductoris Latij seruata sub agro
Corde est, ipsa illum qualis modo viua reliquit.
Hæret amans: motusque animo, muscosaque fontis
Saxa, quibus vidit, semper languente recurrunt:
Continuus fomes, flammisque recentibus esca.
Et vero, si quisquam acies intenderit, eius
In vultu legat, Hic vano miser æstuat igni.
Sic alto de corde trahens suspiria, humique
Deiectus mæstos oculos, vestigia spargit.
Bissena numero turma, quas ductor in hostem
Ille regit, Caput liquerunt aquora leta
Nature gaudentis opus, collesque feraces,
Quos mare Tyrrhenum ridentibus adspicit undis.
Hos super adueniunt succincta in veste Pelasgi
Biscentum, & ferri ferme cernuntur inanes;
Sed laterum ex vno falcatus prominet ensis,
Arcusque, Lyciaque sonant post terga pharetra.
Corporibus vero tenues, parcosque ciborum
Inuictosque malo, & celeri vestigia cursu
Flammea vix summo solitos in pulvere campi
Ponere equos fluctunt, alternaque prælia miscent
Et volucris dispersa fuga: dum frontibus hostes
Innuadunt, versisque retro referuntur habenis.
Hanc aciem Tatinus agit, qui solus Achium
Ausonios bello conatus iuuat, & armis.
O pudor, o facinus. Non tu sædisima Graium
Illa tuis gens bella ori vicina tulisti?
Et tamen ut pleno spectatrix lenta theatro
Sedisti, tantosque tuo discrimine nullo
Opperiens rerum euentus. ergo aspera si te
Sæuitij nunc vincla premunt, desiste querellis.
Fas tibi, fas ea, non duri violentia fari

C 2

Iniecit.

S O L Y M E I D O S

*Iniecit. sequitur Danaos, atque agmina cogit
 Laude, & militiæ primus virtutibus ordo.
 Continet hic Asiæ terrorem, & fulgura Martis
 Inuictos Heroas, amor quos altus honoris
 Solus in arma tulit. fileat Minoidas Argo
 Per fluctus, fileas terris Arcture vagantes:
 Quorum falsa canunt, umbrisque simillima vates
 Auctoresque alij. nulla his namque aqua virorum
 Exempla, aut ingens habuit monumenta vetustas.
 Hi tamen una omnes magni Dudonis aguntur
 Auspicijs, ductuque pio: cui Consua paret
 Vrbs Turina solo. hunc etenim, cum proprius ipsis
 Mars daret, & durum sanguis discrimen auitus,
 Vnanimes dixere ducem, qui plurima bello
 Fecit, & innumeras vidit cum moribus vrbes.
 Maturusque aui, cana vir tempora præfert
 Sparsa coma, & viridi vultum virtute vigentem.
 Aduersoque, impressa velut vestigia laudum,
 Corpore crebrum aperit vulnus. Cui deinde micanti
 Iam subit Eustathios, tuus, o sanctissime, frater
 Gofrede, atque sua clarus virtute, tuaque
 Præcipue. vehitur Suionum de sanguine cretus
 Hamonio Gernandus equo. proauitæque iactat
 Sceptraque, regnorumque apices, partasque coronas.
 Nec minus egregios inter iaculove, vel hasta
 Rogerium, & seuum patrijs Engerlanon armis
 Fama reponit anus: sed duro robore claros
 Guascona, Gentoniumque canit, geminosque Gherardos.
 Laudis & Vbaldus summa est, pulcherque Britannus
 Ardoicum magni Rosmundus principis heres.
 Nec mihi Tyrrhenus fundo mergatur auaro
 Fluminis in rapidas vertentis in nomina pradas
 Obizus. non Insubres, tria fulmina, fratres
Sfortiaque*

*Sfortiaque, & Palamedes, atque inuictus Achilles
Condantur mundo, Tuque o fortissime scuti
Raptor Otho, quod septenis ligat orbibus ingens
Sanguineumque vomens infantem faucibus anguis.
Non Vascum, non ipsum etiam post terga Rudolfum,
Nec Vidos ausis linguam praestantibus ambos
Tunc celebres. non Ebrardum, fortemque Genirum
Præteream ingrata sub nigra silentia noctis.
Quo me tot fessum numeris Odoarde legendo
Abripis? & pactos celebrans Gildippe hymenaeos?
O etiam bello socij, vos nulla reucllet
Hora, licet leti. Quid non hauritur Amoris
In spatij? illa hinc bellatrix exstitit audens.
It semper caro lateri comes, aptaque eodem
Deuoluit fati filo se vita duorum.
Nec vero, quæ plaga uni modo vulneris obsit,
Accidere vlla potest: geminus dolor omnis amantum est.
Sæpe etiam telum alterius sub corpus adaectum
Si steterit, languore alter fluit: illaque riuos
Sanguinis, hic mastas animam dispergit in auras.
Ipsam autem cunctas (æuo florente) Rinaltum
Supra acies, supra ire duces virtute videres.
Suauæ ferox alte regalem tollere frontem
Conspicitur: namque omnis eum coniecit in unum
Intentos facies oculos. Ille arduus cui
Tempora, spesque virum factis præcurrit, & amplos
Emisit verno florum sub tempore fructus.
Hunc si fulmineis inclusum videris armis,
Mars tibi credatur: rosei sin lumina vultus
Ostendat, pulchrum facie mentitur Amorem.
Hunc Athesis propter viridantes gramine ripas
Bertoldo Sofia viro, formosa potenti
Sustulit. Atque infans nutricis ab ubere raptus*

Vix

S O L Y M E I D O S

Vix bene dum fuerat: voluit sibi dia Matilde
 Eduxitque colens, & dignas regibus artes
 Edocuit. nec eum lateri diueller vsquam
 Passa suo puerum est: donec Orientis ab oris
 Exciuit teneram bello tuba Martia mentem.
 Tempore namque illo (nec adhuc sibi terna redibant
 Annorum lustra) hospitij aufugit amatis
 Solus, & Aegeos fluctus, infidaque circum
 Litora peruasit Graium, cecisque viarum
 Percurrit loca septa dolis: dum sancta veniret
 Castra super, procul Hesperij distantia terris.
 Insignis fuga, quamque aliquis dignissima facto
 Exprimat illius magna de stirpe nepotum.
 Tertia nunc puero bellanti voluitur aetas:
 Ac vix matura mentum lanugine spargi
 Incipit, & molli male pubescere veste.
 Postquam omnes equitum campo excessere cateruae:
 Inde pedes lustrandus adest. praet altus auita
 Insignem moderans Raimundus laude Tolosam.
 Santonicum ille inter pelagus, celeremque Garumnam,
 Celtiberumque arces, & nubiferam Pyrenen
 Mille quater peditum. legit vi vestis, & aris
 Instructa, & gelidis corpus durata pruinis
 Agmina, non ulli proceram virtute secundus:
 Seu maribus, seu mente valens. Hunc proximus urget
 Stephanos, & bis ter lectas in praetia ducit
 Mille manus, qua Turonas effusus in agros
 Piscoso fluit amne Liger. non illa laborum
 Est patiens, non robustis gens dura lacertis:
 Tota licet ferro, & radianti luceat auro.
 Ipsa sibi similes (credo) producere mollis
 Terra homines, & leta solet. nulla impete primo
 Sustineant quippe hos acies: mox effluit omnis

Lan-

Languida vis niuium ritu , quæ sole tepescunt .
Tertius ecce autem prato succedit aprico
Alcastus , vultu spirans immane minaci .
Teque refert Capaneu , scalis qui primus adactis
Ausus in aduersos Thebarum euadere muros
Turbine telorum perijsti . Heluetius ille
Circum Alpina decem legit castella cohortes :
Audacem , atque feram plebem , quæ ducere sulcos
Assuetum , & duras ferum proscindere glebas
Pro maiori usu rigidos conflauit in enses .
Quaque rudes inculta greges , armentaque dextra
Pauit , ea fidens acies , ac regna laceffit .
Nec procul hinc geminis altum se pandere Petri
Clauibus , & triplici intextum diademate signum
Cernere erat , magnumque sub hoc egisse Camillum
Sexcentum solido florentes ære maniplos .
Illum autem letum tanto se munere ferre
Adspiceres , quo priscorum Mauortia facta
Et calo aquatas laudes instauret Auorum .
Aut nihil Ausonia virtuti deesse , vel unum
Ostendat veterem fingendo in milite morem .
Iamque omnis præter campos exercitus ibat .
Gosfredus placidis maiores vocibus vltro
Compellat de more duces , animique recludit
Ollis sensa sui . Quum primum crastina calo
Puniceos Aurora sinus induta rubebit :
Carpere iter iubeo , & summis pro viribus hosti
Ante expectatum Solymis vos ponere campis
Adniti castra . ergo animis bellumque , viamque
Præcipite , & sacras lati præsumite palmas .
Talia dicta viri (nec enim de corde feruntur
Illa leui , aut meritum lingua prodeunte timorem)
Omnes accendant , virtutemque omnibus addunt .

Idem

S O L Y M E I D O S

Idem omnes simul ardor habet, sub prima recentis
 Lumina Solis iter properare: sed omnia longe
 Prospiciens ductor premit altam pectore curam.
 Namque Phari valido, numerooque agmine regem
 Instructum Pelusiacam contendere Gazam,
 Venturum auxilio Syria, valloque futurum
 Audierat. nec lenta illum terere otia posse
 Sectatum semper belli fera munera credit.
 Hoc metuens, hostemque putans mox affore magnum
 Talibus Henricum alloquitur: Te, nuncie, terras,
 Fide, volo in Graias celeri transire phaselo.
 Illic namque ferunt (ita me modo pagina numquam
 Veri vana docet, gemmaque insignis amica)
 Aduentare satum praclaro sanguine Regum,
 Inuictumque animi iuuenem, qui iungere nobis
 Se cupit, & gelida magnum trahit agmen ab Arcto.
 Sed, quoniam hic fallax infido pectore Caesar
 Forte aget, & patrias versabit Thracius artes:
 Quo cursum iuuenis relegat per trita locorum,
 Aut procula nobis alias conuertat in oras:
 Tu meus interpres, tu rerum experte mearum
 Consilijs, Dani dubiam sic nomine mentem
 Flecte meo, commune bonum ne cogitet ipsi
 Deterere, ac nobis, Asiencu limine primo
 Pendeat: at nostris socius celer aduolet armis:
 Nulla etenim, nulla hunc deceat iuuenem mora. Sed tu
 Ne secum propera, semperque affixus inhaere
 Argiuum lateri regis, promissaque nobis
 Sapius auxilia, & pacto quoque debita pridem
 Fœdere fac primo maturet lubricus Euro.
 Sic monet. Is, postquam tabulis fidei ampla recepit
 Argumenta sua, & missam de more salutem:
 Discessus ventiam petit ocius. atque ibi curas

Gofre-

*Gofredus multa placans in nocte quieuit.
 Verum, ubi se roseus lucenti e limine Phæbus
 Extulit Oceani: rauco clangore per agros
 Insonuere tubæ, tergoque immane luporum
 Instrata, ac tereti strepitum reddentia corno
 Tympana concrepuere. viæ sonus excitat omnes.
 Non ita, cum nimio terræ feruore dehiscunt,
 Agricolis gratum percurrit nubila murmur,
 Quod largos illis, & amicos nunciet imbres:
 Vt iuuenum leto perfudit pectora motu
 Martius ille canor. nec iam mora: quisque suetis
 Induitur spolijs, & iniquo fasce grauat
 Apparet, seque ipse suo sub principe cogit.
 It iunctum campis agmen: soluuntur in auras
 Signa leues, primoque rubens CRVX ardua velo.
 Splendet, inexhaustis Erebi ditata triumphis.
 At Sol interea celsum per carula mundi
 Tendit iter spatia, & tremulam sub nubila lucem
 Aere laceßito iactat, geminasque tuentum
 Præstinguentem acies. credas ardere fauillis
 Aera, & innumeris inuolui fluctibus, ignis.
 Nec minus hinnitu stridor commixtus equino
 Auditur ferri, & colles rumpuntur, & agri.
 Ductor ab insidijs tutos hostilibus agmen
 Moliri cupiens gressus, late omnia circum
 Exploratores, equitum leuia arma volucrum
 Premisit: multoque pedes præceßerat ante,
 Qui munire viam possit, variasque lacunas
 Compleat, atque aditu montes concidat iniquos,
 Et referet cacas angusto limite fauces.
 Non tamen illorum cursum collecta morari
 Vel Mahumettigenum valeat manus vlla, vel alta
 Præcinctus fossa, terrenoque aggere murus:*

D

Vortice

Gofre.

S O L Y M E I D O S

*Vortice non rapido fluuij, non Alpibus aqua
 Asperitate iuga, aut crebra nemus arbore densum
 Impediant. Qualis niuibz cum forte liquatis
 Intumuit rex Eridanus, super alta superbus
 Euolat, euictis ripis, & molibus, arua.
 Solis, qui magna Tripolim diuione regebat,
 Quique viros, atque arma potens, ignotaque muris
 Pondera, & argenti validis claudebat, & auri:
 Gallorum contra fors inerit agmina: verum
 Non ausus duro fuit illa laceffere bello.
 Quinimmo pacem orantes, & dona ferentes
 Ire viros iussit, Gallosque recepit in ampla
 Vrbe volens, vnaque pio quam dicere pacis
 Duëtori placuit non vlllo fædere legem.
 Hic autem de monte Seir, qui proximus vrbi
 Imminet, Eoasque Aurora despicit arces,
 Multa virum vulgo, ac matrum, puerumque, senumque
 Subiectos turba alma Dei descendit in agros,
 Vina ferens, dulcesque pijs victoribus escas.
 Gaudet hians animi: spectando, & grata serendo
 Alloquia, ignotosque habitus miratur, & arma.
 Hoc etiam e numero ducibus tunc vsus amicis
 Gofredus, fidsque via, per aperta locorum
 Agmen agit Syrijs semper prope litoris vndam:
 Haud ignarus erat, quando vicina legentem
 Aequora iter liquidum sociam sibi radere classem.
 Vt vero victum; vitamque tuentibus agmen
 Affluat, hæc facere vna potest: vtque omnis Achium.
 Flauentes illi segetum secet insula messes,
 Maturasque legat Crete de collibus vnas,
 Atque Chios lapidosa. gement sub pondere vasto
 Nauium, & aerea feruent freta proxima pinu.
 Iam non vllus Arabs pelago, quod ferrea Calpe,*

Atque

*Atque Abyla discissa vadis emisit Iberis :
Vela det , aut vlla tutus statione quiescat .
Tot adeo Venetis instructas egit ab oris
Hadriaci regina rates Vrbis alta profundi ,
Tot Ligurum domina , & tumidum mactante draconem
Lata Deo . nec non latis ditissima campis
Gallia , & huic albas ostentans Anglia rupes ,
Almaque Trinacria , & Batuum Mauortia tellus
Miserunt plenas armato milite naues .
Atque hic , qui vere nexu deuinctus amico
Religionis erat , vario se litore rebus
Instruxit , queis tanta acies terrestris egebat .
Verum ea , cum nullos mirans in sinibus hostes
Conspiceret contra Solymis , & muta relictis
Omnia stare loci , volat acri concita cursu ,
Et Sancti monumenta petit , sedemque Sepulcri .
Fama sed ante volans trepidam peruenit in urbem :
Et verum infelix pariter , fictumque serebat ,
Victores coisse viros , incedere felix ,
Securumque agmen nullo tardante moueri .
Hæc acies eadem , atque duces , & nomina , & amplas
Virtutes , & facta canit : dominosque Sionis
Territat iniustos sæuo Dea lurida vultu .
Nempe malum metus ipse mali , pestisque future
Est maius , fors quam præsens si pestis adesset :
Vsque adeo suspensum animum rumoribus aure
Incertis agitant omnes : per que arua , per urbem
Confusi sonus oris , & illeceberrima errat .
At senior secum dubio Rex pectore versat
Effera consilia , & vicinis acta periclis .
Rex Aladinus erat , Solimum quem multa recenti
Cura super regno noctesque diesque coquebat ,
Crudelis quondam : sed cano mitior auro*

D 2

Redditus ,

S O L Y M E I D O S


*Redditus, exsuerat mores, animumque ferarum.
 Ille, quod Ausonidas sceptris, atque urbe potiri
 Velle sua audierat: veterem super agra timorem
 Suspicio venit, duplicesque miserrimus hostes
 Hinc Gallos pauet, inde suos: namque una Sionis
 Compulerat fidei varios in mœnia ritu.
 Mahumetten quorum pars magna veretur, opumque
 Amplior: in Iesum tenuis subnixâ recumbit.
 Verum, ubi rex Solymas bellando quæsit arces,
 Imperioque nouo firmas ibi ponere sedes
 Constituit: plebem ipse suam relleuauit, & urbis
 Muneribus sanctos celi mage præsit alumnos.
 Hoc memorans, innatam animis, quæ frigida, & aui
 Languēbat spatio feritas sopita vetusto,
 Acris incendit stimulis, ut non magis illa
 Ante pîj sitiens flagrarit sanguinis umquam.
 Talis, sub terra placidum quem bruma tegebat,
 Exsilit æstiuus ad Solem mensibus anguis
 Arrecta ceruice micans: atque insita talis
 Exerit arma leo, dentesque domi altus, & ungues
 Si quisquam offēdat. Video certissima signa
 Latitæ hac in turba, inquit: solamque doloris
 Immunem, solam in luctu ridere meorum.
 Et fors insidias, fraudesque infida maligno
 Corde fouet, secum voluens, quo me impia leto
 Afficiat: quauē arte meos in mœnibu hostes
 Inferat, & populo portas clam pandat amico.
 Sed frustra, sed erit frustra. Nunc hæc ego facta
 Præuertam, & nostri satiabo pectoris iras:
 Vltor ero: per dira actos tormenta necabo.
 Natorum calido perfundam sanguine matres,
 Molliadum pendent innexi brachia collo.
 Ipse faces in templa feram, flammam ipse sub ades*

Conj-


*Conijciam: hic casus merito rogas hauriet igni.
 Et prius illo, illo media inter vota sepulcro.
 Hostia digna meo cunctus cadet ense Sacerdos.
 Sic loquitur secum furij agitata iniquis:
 Non tamen hos animi sequitur sententia motus:
 Sed neque nil meritis pietas ignoscere suadet.
 Maior agit mentem metus, atque potentior obstat
 Suspicio: nimis ille viros, nimis arma Latina
 Irritare timet, spem cunctam incidere pacis.
 Insanas igitur crudelis Barbarus iras
 Temperat, immo alijs iras in partibus explet:
 Agrestumque casas, & pictos abiete pagos
 Diruit, exaequatque solo: cultosque per agros
 Submittit piceum populandis frugibus ignem.
 Omnia peruastat late loca, quo neque pasci
 Gallus, nec strato possit, tectore cubare.
 Quin etiam fontes liquidos, letique venenis
 Riuiorum spargens laticem confundit, & amnes:
 Immitis, cautusque simul. non immemor urbem
 Interea munire tamen, qua vertice molli
 Mons surgit, gelidum Boreæ proiectus in axem.
 Hoc latus (exesa cingunt nam cetera rupes)
 Ingenti iam tum muro sapire parabat,
 Cum primam belli famam leuis attulit aura:
 Et gemino vario complebat milite colles.*



SCIPII



SCIPII GENTILIS SOLYMEIDOS



LIBER SECVNDVS.



*QV*E eadum seuus bello parat arma Tyrannus,
Illi se solis Ismenus partibus offert,
Ismenus, qui clausa cauo de marmore ducit
Corpora, Et aërios reddit cum sensibus haustus:

Murmure qui valido cantus intra horrida cacum
Terret regna ducem, Stygiosque adiussa ministros
Impia agit, nectitque uolens, vinculisque relaxat.
Hic modo deserta veri Mahumetten adorant
Religione Dei: veteres sed relinquere ritus
Nescit adhuc tamen, atque horum male nota profanos
Sæpe sibi mandata miser confundit in usus.
Et nunc de specubus, vulgo quibus omne per æuum
Ignotas agitare procul solet hispidus artes:
Regem fœdum animis, auctor fœdissimus ipse.
Consilij adit, ac regni discrimine tanto
Hæc super effatur. Sol, iam iam victor ad urbem
Accelerat, duris horrens exercitus armis.
Verum, age, (nam fortes Diuique, hominesque iuuabunt)
Curemus, quodcumque viros curare necesse est.
Cuncta quidem ducis, ac cani tu munera regis

Prospi-

Prospiciens longe implesti. si quisque saluti
 Sic uacet, officioque suo parere labore:
 Hostibus euadet nostris hæc terra sepulcrum.
 Ipse equidem comes huc operum, sociusque pericli
 Aduenio quidquid viridis prestare senectus
 Consilij, & magicæ possunt molirier artes,
 Polliceor. calo pulsos in Tartara fratres
 Aligeros operum in partem cogam ore meorum.
 Sed prius, unde velim tanti primordia facti
 Accipere, expediam. Templo iacet ara sub imo
 Iesidum obscuroque latens telluris in antro.
 Virginis hic nixeo vultus circumdata velo
 Effigies sedet illius, quam credula Diuam
 Turba suam, matremque Dei fecere sepulti.
 Ante illam seu nocte faces, seu luce coruscant
 Incensa, & longo circum vota ordine pendent,
 Quæ faciles animi gentes ad falsa tulerunt.
 Hanc inde effigiem rapias, manibusque reuulsam
 Ipse tuis in templa velim Maumettia condas.
 Dein ego tam valido destingam carmine manes,
 Vt, donec nostro facies ea septa manebit
 Præsidio, his ingens fato cuctodia portis
 Excubet, atq; tuum muris obuallet ahenis
 Insueta imperium virtus. Sic fatur: at ille
 Impatiens monstrata Dei citus arripit antra.
 Viq; sacerdotcs adytis, & limine sancto
 Exigit: & castæ simulacrum auellere Diuæ
 Nil veritus, templo condit, quo sæpe nefandis
 Irritant miseri caelestium cultibus iras.
 Illo deinde loco, & ficti sub imagine vultus
 Noxia Thessalico soluit Magus ora susurro.
 Verum, ubi puniceis stellas Aurora quadrigis
 Expulit, & summos parefecit lumine colles

Abdari.

S O L Y M E I D O S

*Abdaridum templi custos, qua sede locata est,
 Effigiem non ultra oculis vigilantibus hausit.
 Horridus, atque alia incassum regione requirit.
 Nuncius hinc regi volat ocyus ille furore
 Exuperans Iesidem auso, furtoque potitum
 Secum aliquem putat. Aut ausum Iesidis, & idem
 Furtiuum noctis cæcis opus existit umbris:
 Aut certè hic magni se vertit numen Olympi.
 Regina immunda simulacrum sedelatere
 Indignans, Diæque suæ. nec certa nepotes
 Fama tenet, cui tanta patres hominive, Deove
 Adscribant. Sed nostra Deum, summissaque credat
 Auctorem pietas, & magno cedat Olympo.
 Rex importunis euolui cuncta ministris
 Tempia, domosque iubet: pœnasque & præmia ponit
 Prodenti, aut latum furio, noxamve regenti.
 Ipse suas etiam fraudes, & carmina demens
 Nequidquam Ismenus repetit. nam maximus illum
 (Seu sua, siue hominum fuerit res tanta piorum)
 Celauit Deus, atque artes elusit iniquas.
 At vero in sanctos odio crudele Tyrannus
 Fœrtur, & immensis irarum fluctuat undis.
 Nec iam præsentis casus, cerique pericli,
 Gallorumve memor, generis commissa perosi
 Vlciſci cupit, atque animum exsaturare furentem.
 Quidquid erit, super ignotus commune iacebit
 Strage latro: haud omnis vacuas furor ibit in auras
 Noster, ait. ferro iustus procumbat, & inſons:
 Ne reus euadat furii modo. Sed, quem ego iustum,
 Quem nunc inſontem dico? non ne agmine in illo est
 Quisque nocens, nostrique æternus nominis hostis?
 Si cuius non iste animam nouus illigat error,
 Sit pœnæ commissa lues antiqua recenti*

Vna

*Vna satis nunc ferte faces, nunc stringite tela,
O socij, & duplicem Solymis miscete ruinam.
Sic fatur, Syrijs, & turba septus amica:
Qua simul adtrepidas Solymum fama accidit aures,
Concussis hæsere animis, atq. omnia membra
Corripuit pavor, & leti presentis imago.
Nec quisquam numero ex illo iam tendere contrà,
Molirive fugam, aut animum mollire Tyranni
Audeat, & furto veniam prece poscere supplex.
At dubij, trepidiq. illinc cepere salutem,
Vnde nefas sperare fuit. Iam nubilus ipsos
Inter erat Veneris maturo fœdere virgo.
Moribus hæc altis reges æquabat, & omnes
Vna Palæstinas formoso corpore nymphas
Vincebat: nulla formam tamen arte colebat,
Vel quanta ornando quiret satis esse pudori.
Et (qui maior honos suus est) ingentia muris
Angusta decora illa domus inculta tegebat,
Et visu, & blandis inuenum seclusa querellis.
At non ex oculis formam custodia prorsus
Mirandam eripiat: nec tu pulcherrime factò
Huic accedis Amor: sed claro è lumine Solis
Seductam pueri cupidis tamen ignibus offers.
Inclyte Amor, tu, qui densis nunc cæcus amantum
Obnubis vittis oculos, nunc exsuis Argus,
Atque agitas circum, lumen inuenile tulisti
Virgineos intrà thalamos. Sofronia virgo
Dicitur, Assyriumq. puer fert nomen Olindus:
Cultores ambo vnus patriæque Dei;
Ille, quod ante alios inuenes præit ore modesto,
Vt virgo ante alias forma præstante puellas:
Multum optat, minimum sperat, nil denique poscit,
Nec referare suos illi miser audet amores.*

E

Aß

S O L Y M E I D O S

*Ast ea, siue hac non videat, seu temnat amantem
 Declinetue sciens oculos: per mille labores
 Pectora merentis pueri flagrantia ducit.
 Diditur interea rumor, miserabile toti
 Ipsorum populo exitium, cademque parari
 Infandam. tales subito Sofronia voces
 Accepit, pariterque pudens, animosaque virgo
 Protinus immeritis tantas auertere clades
 Secum agitat. vis hunc animi fortissima motum
 Impellit, sed virginei pudor obstat honoris.
 Viuida vis vincit. quinimmo fœdere sancto
 Audacem sinibus castis infusa pudorem,
 Seque Verecundam Virtus facit. exijt ingens
 In vulgus nullo penitus comitata ministro.
 Nec decus ipsa suum texit, nec prodiga turba
 Exposuit, tenuitque oculos, veloque fluentes
 Collegit Tyrio crines, atque omnia sanctis
 Membra modis agitant, gressuque effinxit honesto.
 Nec facile tecum statuas, faciem ne decoram
 Composuit fors, an cultus: nam cultibus ipsam
 A versam Natura suis, meliorque Cupido
 Artibus, & flammis calum ridentibus ornat.
 Ergo omnes in sese acies, animosque tuentum
 Ardua conuertit: regemque inuicta sub ipsum
 Progreditur, vultusque feros, iramque frementis
 Sustinet, ac solio referens ita constitit aureo.
 Aduenio, rex, (iamque tuum suspende furorem
 Interea, & populo frenos precor adde ruenti)
 Aduenio, tibi quæ fontem, quem quæris, & unde
 Offensum te adeo præfers, retegam ipsa, tuosque
 Ante pedes gelida vinctum formidine ponam.
 Restitit intrepida confusus voce Tyrannus
 Virginis, & claro formæ florentis honore*

Attoni-

*Attonitus: mulcetque iras, frontemque serenat.
Et, si is corde minus fauo, aut minus illa seuerio
Vultu erat, ipse foret dulci obretitus amore.
At verò duros animos durissima forma
Nequidquam penetrat, mollisque Cupidinis esca
Delicia, lususque absunt. stupor inscius ergo
Ille fuit, subitaque afflans dulcedinis aura:
Non pietas, non ullus amor, qui ferrea fregit
Corda senis, placidasque expressit pectore voces.
Cuncta mihi, quaecumque (inquit) sint vera, fatere,
O Virgo, & pauidam curam sepone tuorum.
Illa autem: Reus ecce tibi, qui fatur: et huius
Dextera opus furtum est: vestris ego sola renelli
Effigiem templi ex adytis, me uerius unam
Afficies pænis. fato sic obtulit ultro
Communi sublime caput, tantosque malorum
In se unam voluit virgo deuoluere fluctus.
Magnanimum figmentum. aut umquam lucida veri
Est facies adeo? et calo mage digna sereno.
At non hic senior subitas (ut semper) in iras
Concedit, pariterque minas suspendit, et instat
Quis tibi consilium? quis opem tulit? Haud ego quemquam
Ipsa mea, refert, consortem adsciscere laudis
Vel minimam in partem uolui. mihi conscia porro
Sola fui, sola & furti fabricator, et auctor.
Ergo in te solam nostro, Rex suscipit, omnis
Ira ruens ultrix solio decumbet: at illa
Hoc, ait, hoc uerum est: unam persolvere pænas
Me decet, una tuli uiridem quæ laude coronam.
Hic rursum turbato animis, latebrasque roganti
In quas effigiem abdiderit, sic orsa Tyranno
Ora refert. Non ignotis (ut rere) sub umbris
Effigies occulta iacet: sed nuper eadem*

E 2 Hac.

S O L Y M E I D O S

*Hac exusta manu nigros perfedit in ignes .
 Idque mihi egregium duxi sic dextra profana
 Polluere , & fædi nequeat vis stringere casus .
 Aut furium , aut tu posce reum . Numquam illud , at istum
 Adspicis en coram . quamuis , quid crimine nullo
 Nominibus , demens , vtor furtique , reique ?
 Namque æquum est turpes raptori auellere prædas .
 Dixit : at ille omnes irarum laxat habenas
 Asper , acerba fremens . nil castæ virginis ora ,
 Nil animi mens alta iuuat , frustra que furori
 Formæ obtendit Amor clypeum . Iam pulchra Tyranni
 Voce rapi , & calidis virgo torrenda iubetur
 Flammis viua dari , peplumque , togamque ministri
 Femineam abripiunt : properi iam mollia tergo
 Brachia reducunt , & duris nexibus arcent .
 Ipsa silet , fortique leuem sub pectore motum
 Præsentit : neque tum pallor , sed candidus ora ,
 Ora color rosco dudum vernantia pingit .
 Talis in urbe volans casus vulgatur , & omnem
 Huc populum trahit : huc etiam concurrit Olindus
 Multa agitans , dubioq. metu perfixus amantis .
 Vt vero hanc pressam manicis , & frigore vidit
 Perfusam gelido leti , duroque ministros
 Instare officio : tum tota ex urbe fluentis
 Precipitans populi circum se disiciit vndam .
 Et procul exclamat : Nihilò , nihil ista , Tyranne ,
 Egit , seque amens alieno iactat honore .
 Non sensit , non ausa fuit , nec femina tantum
 Sola , rudis rerum , potuit perducere factum .
 Nam , qui custodes latuit ? quæve arte recepit
 Effigiem ? dicat : nostros si dicere possit
 Defensos atra dono caliginis ausus .*

Tantum

Tantum illam infelix, nec ei dilectus amavit.
 Subjicit his: Ego, rex illuc unde ardua vestri
 Accipiunt delubra diem Mahumettis, & auram,
 Clam nocte euasi, caloque elapsus amico
 Aedis inaccessis transiui limite muros.
 Ne, quaso, ne sancta meas praecepere virgo
 Morte velis dura laudes: meus iste catena
 Est nexus, meus ille rogos, mihi flamma paratur.
 Sustulit humanum puero Sofronia vultum,
 Luminibusque pijs lustrans, Ecquod miser, inquit.
 Aduenisti insons? quae te sententia duxit?
 Vel quis in exitium rapuit furor? ergo ego cunctam
 Vnius sine te nequeo vim ferre minantis
 Sola viri? & mi etiam pectus. sed talia frustra
 Illi dicta volant: & sensibus haeret in iisdem,
 Nec verbis mutatur amans. O nobile magne
 Virtutis cum pinnigero certamen Amore?
 Mors ubi victori, & piceae sunt premia tædæ,
 Victo pæna salus. gliscit magis ira Tyranno,
 Aegrescitque furens animus: spernique videtur
 Ipse sibi, pænas olli dum mutua spernunt.
 Aequa fides ambobus, ait, præstetur: & ambo
 Victores habeant dignas, me iudice, palmas.
 Inde loci nutu lictorem commonet. ille
 Accedit, pueroque manus post terga reuincit:
 Extemploque duos ad palum deligat unum
 Componens humerosque humeris, vultusque micantes
 Vulnibus eripiens. & iam pyra condita surgit,
 Funereosque cient ventosis follibus ignes.
 Quum puer ingentes imo de pectore questus
 Rumpit, & has lacrymis voces rorantibus addit:
 Ergo hic nodus erat, quo te mihi perditus omni
 In vita adstrictam, sociamque (heu vana) futuram
 Speravi?

S O L Y M E I D O S

*Speravi? hic erat ille ignis, qui pectora nostra
 Arderet paribus flammis? mihi saepe Cupido
 Ipse alios nexus, alios promiserat ignes:
 Sors alios inimica parat, quosque inuida viuos.
 Diduxit, mortis misero sic tempore cogit.
 Hoc saltem haud deflenda mihi: quod me tibi fecit
 Confortem leti, atque rogi, postquam esse nequii
 Et vita, & thalami. tua me fata aspera terrent,
 Non mea, qui tecum maneo moriturus. &, o me
 Felicem, dulcesque meas in funere pœnas.
 Si dabit, ut sinibus collatis æger in isto
 Ore tuo vitam, & labris languentibus edam,
 Inque mea extremam mecum simul ora fatiscens
 Ipsa tui mittas halantem pectoris auram,
 Sic queritur lacrymans: suavi sic suscipit illa
 Voce monens. Alios sensus, aliasque querellas
 Maiorem ob causam presens sibi postulat ora,
 O iuuenis. quin tu labes, admissaque tecum
 Mente recognoscis tacita? & que premia, voluis,
 Promisit Deus ampla pijs? age, nomine perfer
 Ista suo, & superas adspira latus in arces.
 Adspice, diffusum candenti lumine celum
 Vt nitet? ut nos hinc facies vocat aurea Solis
 In celum, &estos radijs solatur amicis?
 Hic plebs ingentem tollit Mahumettia luctum:
 Luget amica etiam demissa voce piorum
 Turba, & nescio quid regis per dura videtur
 Pectora inassuetum molli quoque serpere lapsu.
 Presensit. torfitque oculos iratus, & illinc
 Se rapuit. Tu communem virgo una dolorem
 Destituis, nulloque irroras lumina fletu.
 Ecce autem, tenui positus discrimine mortis,
 Egregius forma, & peregrino clarus in ostro,*

Ignorisque

Ignotisque armis, longisque superuenit oris
 Bellator, (sic visus enim) cui fulua micantem
 Sustinet argento duplici galea ardua Tygrim,
 Atque oculos rapit. Hoc belli Clorinda superbum
 Induere, & fama memoratum insigne solebat.
 Vnde illam cuncti (nec frustra) rentur adesse.
 Hæc omne ingenium generis muliebris, & usus
 Femineos primis infans contempsit ab annis.
 Excelsamque colo dextram, calathisque salignis
 Flectere, nec Lydæ radijs dignata puella,
 Non acui: nollesque habitus, & clausa locorum
 (Namque etiam latis tuto pudor errat in aruis)
 Exijt: & fastu faciem munire rigenti
 Conata est. etiamque rigens, etiam aspera cepit.
 Frena manu iam tum parua lucentia strinxit,
 Aut volucris diffudit equo: viridique palestra
 Aptæ fugæ fingens, & duro membra labori
 Reddidit, aratumque ensem vibrauit, & hastam.
 Inde per aerias rupes, nemorosaque lustra
 Egit aprum, aut fuluum iaculo succincta leonem.
 Bella dehinc, pugnasque obiit, generique virorum
 Visa fera est; homo visa feris. Nunc obuia tendit
 Surgenti imperio, ducibusque aduersa Latinis,
 Gaudentem rosea Phæbi face Persida linquens.
 Quamquam sæpe horum sparsit prius arua recisis
 Artibus, & vitreos suffudit sanguine riuos.
 Ergo hic primum illi se lurida mortis imago
 Obtulit ante oculos, studioque accensa videndi
 Spumantem huc admittit equum. dant omnis euntis
 Turba locum, & densa cedunt diffissa corona.
 Tum simul ad palum vinctos duo cernit eundem.
 Hæc seilet, ille gemit: virtusque in virgine maior
 Apparet. sed enim ritu miserentis acerbo,

Merentisque

visque

S O L Y M E I D O S

*Merentisque videt puerum, atque aliena dolentis
 Fata queri, lacrymisque genas tabescere salsis.
 Ipsam autem tacitam, summique in candida cali
 Miratur gemino defixam lumine templa
 Susplicere, & terras animo liquisse iacentes.
 Olli animum strinxit pietas, lacrymasque dolore
 Victa dedit. verum magis alta silentia, & illa
 Virginis haud ullo facies mouet vuida rore,
 Quam pueri gemitus, liquidaque in morte querella.
 Tunc hominem, qui forte suo vertente senecta
 Adstabat lateri canus, sibi dicere quaesit,
 Quae culpa excidio iuvenes, fortunave mergat,
 Et qua gente satos. dedit ille breuissima grato
 Ore quidem, sed plena senex responsa roganti.
 Obstupuit, pariterque ambos subducere mori
 Innocuos credens statuit, quantum arma valebunt,
 Arma, precesque sua pulchro volat aurea nisu,
 Iamque incessentes retrò conuertere flammās
 Imperat, & toruos terret sic voce ministros.
 Ne quisquam hoc vestri procedere longius ausit
 Officio: donec, iterum cum rege locuta,
 Iam iam adero. non ille huius vos arguet umquam,
 Ne trepidate, morae. commoti talibus illi
 Vocibus, ingentique adspēctus lumine parent.
 At virgo tecta hinc Solymi petit alta Tyranni:
 Dumque petit, regem contra se cernit euntem.
 Mox prior haec: Adsum Persarum ex orbe meorum
 Clorinda: hoc vestras fando si nomen ad aures
 Peruenit. tecum huc fidei communis alumna,
 Ipsa fidem, regnumque tuum defendere veni.
 Nec quauis patria pro libertate recuso
 Munera obire tibi: seu me intrā septa latere
 Murorum, seu vis campo splendere patenti.*

Ardua

Ardua non timeo, nec humi repentina sperno.
 Dixerat: & dicta excepit sic ore Tyrannus.
 Ecquæ nam tellus adeo summotâ recessit.
 Extrâ Asia, Solisque plagas? quo non tua fama
 Venerit, & nitidas ingens decor explicet alas?
 Nunc, quoniam es coniunctâ mihi, securus ab omni
 Fortunaque metu, & dubij formidine Martis
 Latus agam. non, si innumeras mea regna phalanges
 Tutari adspicerem, tanta spe certior essem.
 Iam mihi, iam nimium aduentu tardare videtur
 Gofredus. Tu posce modo, quos ferre labores
 Ipsa velis belli. solum te grandia, solum
 Aspera digna puto. en sceptrum super agmina cedo
 Nostra tibi, nutumque tuum pro lege sequantur.
 Illa, ubi iucundis grates pro laudibus egit,
 Sic rursus: Noua res certe videatur, ut ante
 Impensas operas merces, ac præmia vadant.
 Sed tua me bonitas animi sperare coegit,
 Quæ cupio, non magna. reos, Rex optime, vellem
 Te mihi pro meritis illos donare futuris:
 Dono namque peto. Sed enim, si crimen (ut aiunt)
 Incertum est, summi hos rapit inclementia iuris.
 Verum hoc ipsa equidem sileo, furtique solutos
 Cur ambos credam, signa indubitanda relinquo.
 Et tantum hoc dicam, cunctis hæere tuorum
 Fixum animis, Diuæ parua Iesidas amata
 Effigiem rapuisse: sed hoc procul auia fertur
 Mens errore mihi, & certo se tramite ducit.
 Legum contemptus, & religionis auita
 Illa fuit res suasa Mago: namque haud licet ullum
 In templis cuiquam simulacrum ponere nostris,
 Aut possum ferre. hinc monstri præsentis, & ire
 Me iuuat ex alto Mahumetten credere calo

F

Aucto-

S O L Y M E I D O S

*Auctorem. Deus ille, Deus fuit: & sua celsa
 Templa manu, rituque parens ornavit amico.
 Ut volet, Ismenus calumque, & Tartara voluat:
 Is, cui pro telis astus; cui torpor habetur
 Pro muro. nos ferrum, equites, tractemus, & arma:
 Hæc ars, hinc dulces liceat sperare triumphos.
 Desierat virgo: & palmosa rector Idumes,
 Quamquam animus cunctis agre mansuescere dictis,
 Aut pietate valet: tamen illi obstare negando
 Noluit. id ratio suadet, virtusque precantis.
 Tum sic voce refert: Vivant, animaque fruantur
 Liber uterque sua: tantoque haud vlla negentur
 Intercessori. siue hæc res aqua putanda est,
 Infantes culpa, ac voci preconis iniquæ
 Eripio: siue est pietas, & gratia, dono.
 His dictis, subito iuvenes rumore coorto,
 Exsuti pariter palo, vinculisque fuerunt.
 O fatum pueri felix, o sidera fausta.
 Edere qui facinus potuit, quo mutua tandem
 Semina magnanimo in gremio suscepit amoris.
 Et nunc ille reus, nunc castæ sponsus amantis
 Vadit amans. rogos in thalamum concedit, & atræ
 In niveas abeunt florenti lumine tadas.
 At Solymum princeps vicinum tale veretur
 Connubium, talesque animos: quibus actus utrumque
 Longe Palestinae campis, Libanoque relegat.
 Nec tantum satis esse putans, hos seuus acerbo
 Exsilio mutare domos, & patria cogit
 Limina: compellitque alios incerta locorum.
 Heu durum discrimen, auos, paruosque nepotes
 Cum linguunt, dulcesque thoros. namque ille feroci
 Ingenio natos, & forti corpore tantum
 Prestantes vrbe expellit, muliebreque secum*

Quippe

Quippe genus mite, atque imbelles detinet auo:
 Obsidibusque fidem, certo ceu pignore, firmat.
 Illorum multi patria errauere relicta:
 Pars ira superante metum sese obuia Gallis
 Iunxit, ut irriguam primum conuenit ad Isson;
 Isson, quam breuis a Solymum via diuidit urbe:
 Et, si quis primo hinc abeat iam Sole viator,
 Illuc sub decimam lentus peruenierit horam.
 O quantum hic Gallos arrexerit nuncios? o quos
 Adiecit stimulos animis antiqua cupido?
 Hic tamen in viridi ductor canentia campo
 Tendi vela iubet. medium namque igneus axem
 Egerat, & pelago Titan properabat Ibero.
 Nec mora: contendere omnes: cum forma duorum
 Ignota sub veste virum, peregrinaque surgit:
 Omnis & in morem pacis composita videtur.
 Hos Pharia rex ipse plaga pia castra Latini
 Insit adire ducis, stipatosque agmine magno,
 Et turba comitante vehi, quorum alter Alethes
 Dictus. eum turpi quondam de puluere plebis
 Surgentem ad summos Nili regnantis honores
 Ingenium varium, & mores vexere sequaces.
 Vexit mens fandi fictrix, tum lingua suauis
 Melle fluens, atro quamuis suffecta veneno
 Sape dolos, fraudesque, & liuida crimina spargat;
 Liuida, sed lepido laudum fucata colore.
 Argantes alter Phariam peregrinus in aulam
 Usque pharetratis quondam peruenit ab Indis
 Cyrcassus. nunc imperij, procerumque receptus
 Ordine, militiaeque gradu situs eminet alto.
 Atque idem impatiens, ferus, intractabilis, armisque
 Inuictus, pariterque Deos contemnit, & omne
 In proprio ius ense locat, ius omne lacertis.

F 2

Protinus

Quippe

S O L Y M E I D O S

Protinus hi portas castrorum admittier intra
 Ad Gofredum orant . folio tum forte residens
 Gramineo summum belli Gofredus habebat
 Concilium , proceres inter , nec veste micabat
 Purpurea . sed vera suum , licet obsita pannis ,
 Ipsa sibi decus est ingens , ac purpura Virtus .
 Tenuia signa olli diuum contemptor honoris
 Argantes , magnumque in se ducis edidit instar .
 At vero ad pectus dextram sibi duxit Aethes ,
 Inflexitque caput , demisit lumina terre :
 Et , patrio de more virum veneratus , abunde
 Incepit fari : ipsiusque ex ore loquentis
 Dulcius Hybleo manabant nectare verba ,
 Et Syrio diffusa sono , quem quisque tenebat
 Iesides . O digne , uni cui se ista corona
 Ingentum fama heroum summittat , & armis :
 Cuius in auspicijs palmas , Eoaque nouit
 Regna : tui nostras etiam fama impulit aures
 Nominis , Herculeas ultra iam cognita metas ,
 Aegyptique tuis compleuit laudibus oras .
 Nec quisquam numero è tanto non hauserit illas
 Admirans , extrema solent ceu monstra tuentes .
 At meus ingenti tacitus dulcedine mista
 Narrantis rex ore legit , gaudetque propinquis
 Interdum memorans : atque in te diligit uno ,
 Vnde alijs timor , ac mentem premit inuida cura ,
 Virtutem , tecumque volens decreuit amore
 Coniungi : si lege nequit . hoc te actus amore
 Poscit amicitiam , & grata pia fœdera pacis .
 At virtus amborum esto , qua mutua vestras
 Contrahat , & nodo mentes simul obliget arcto .
 Verum , te quoniam carum sibi pelleret regem
 Accingi clara solio praesensit Idumes :

Nos

Nos tibi, dum prima belli res mole quiescunt,
Hac modo ferre iubet, sensusque aperire latentes
Consilij, mentisque suae. Si quod tibi partum
Haecenus est Asia: hoc animos explere tuorum,
Atque tuos valeas, nec amica laceffere bello
Sceptra Palaestini regis, quasque occulit oras
Nominis umbra sui: tua se male firma vicissim
Regna locaturum stabili sub sede recepit.
Hoc si autem fiat, si umquam vis vestra coibit:
Ecquando melior Persas, Arabasve reuifet
Felici fortuna gradu? magna, inclyte, magna
Egisti spatio in paruo, quae longa nequibit
Annorum series, & sera abolere vetustas.
Florentes tibi ferro acies, urbesque fuerunt
Dispersae, afflictaeque solo. tibi nulla laborum,
Nulla ignotarum facies non victa viarum.
Vnde tuum ad nomen longinquaper opida gentes
Attonitis horrent animis, populiue tremiscunt
Vndique vicini: & quamuis noua querere possis
Regna tibi, incassum magnis noua gloria factis
Queretur, summumque volans modo pulsat Olympum
Quo magis est equum dubij te munera belli
Abstertere animo. namque his, si victor abibis,
Imperium paries solum, nec gloria maior
Hinc redit: at verò, fueris si victus, utrumque
Amittis. Fortune audax est lusus, & amens
Ambiguo certum, magnumque opponere paruo.
Sed tibi fors eius, multos cui parua sub annos
Tutari cura est, potior sententia nostra
Visa, ac perpetuo plaudens victoria cursu,
Quaeque animis hominum dominandi innata cupido
Acrius in magnis feruiscit mentibus ardens,
Pacem horrere magis, reliqui quam bella virorum,
Efficient,

S O L Y M E I D O S

Efficient, fatoque patentem insistere callem:
 Et numquam hunc lateri suadebunt ponere, semper
 Victorem, famaue enssem super utraque mundi
 Litora iam notum: donec Maumettia seram
 Religioque, Asiaque trahant sola versa ruinam.
 Dulcia verba quidem, iucundusque auribus error;
 Quem tamen extremi comitantur saepe labores.
 At, ni magnanimo exsuperans violentia corde
 Obducit spissa mentis caligine lumen;
 Ipse licet videas per te, quod ubi arca malis
 Bella sequi, & Martis lituos audire canentes:
 Sperandi non vlla tibi, sed caussa timendi
 Est potius. Siquidem varios alterna sub istum
 Fortuna euentus mittit mortalibus orbem.
 Precipitesque solo lapsus instare repente
 Euectis super astra solent. dic, optime ductor,
 Dic mihi, si populo pollens Aegyptus, & auro,
 Consilijque vigens, ferro in tua damna feratur;
 Atque una sparsas reuocent in bella phalanges
 Turcique, Persaeque, & Cassani filius alti:
 Quas vires tantis oppones fluctibus? aut quas
 Inuenies tali tutas discrimine sedes?
 At regi Danaum fidis, qui foedere tecum
 Coniunctus sacro est. Verum, o cui Graia virorum
 Viuentum non nota fides? tu crimine ab vno,
 Vno autem? tu criminibus de millibus, inquam,
 Omne aliud disceas: vobis nam perfida mille
 Insidias, aurique fame gens agra tetendit.
 Ergo, qui vobis Asia preudentibus oram
 Obstitit, & cunctis Naturae lege patentem
 Obstruxit cum fraude vias, nunc ille cruoris
 Largus erit proprij, & vitalis prodigus aura?
 At tibi forte animos istaec, quibus undique cinctus

Munitusque

Munitusque sedes ingentes agmina tollunt;
 Et, quos diuersa distractos parte locorum
 Vicisti, superare etiam te posse coactos
 Vno rere loco: quamuis per bella, per astus
 Frigoraque attritas acies tibi conspicias esse:
 Et nouus accedet numerosis viribus hostis.
 Verum, ubi sic volui fatis, & numine censes
 Diuorum, ferro ut nequeas superarier: esto,
 Ut tibi finxisti sic magnus creuerit ather.
 At vincere fame. tali quæ mœnia monstro
 Obijcies? quos aëria sub rupe recessus?
 Stringe manu gladium contra hoc, hastamque lacerto
 Intorque valido vibrans, turpique iacere
 Stratum finge solo, & victrices indue pompas.
 Omnia iam prouidi multo manus ante coloni
 Exussit facibus fœdè, pressitque ruina.
 Mœnibus & clusis, aut altis turribus omnes
 Condidit agrorum fructus. tibi pascere tantas
 Spes unde est, turmasq. equitum, peditumque catervas
 Audaci huc animo, Diuisque aduente benignis.
 Classis at id toto, dices, mihi prospicit errans
 Aequore. De ventis igitur tua pendet, & undis
 Aptæ salus? tua ne ventis fortuna vocatis
 Imperat, & modo dat laxas, modo stringit habenas?
 Teque unum precibus cunctorum, ac quæstibus æquor
 Surdum audit? fluctusque refert in vota secundos?
 At non & Persæ populi, & Nilotica tellus,
 Atque Arabes vno deuincti fœdere classem
 Cogere tam validam poterunt, ut nauibus ausit
 Aequa obstare tuis, totoque occurrere ponto?
 Duplex cuncta tibi versanti, animisque mouenti
 Est opus ad laudem tanti victoria belli.
 Vna autem iactura potest tibi dedecus ingens
 Afferre,

S O L Y M E I D O S

Afferre, & damno vires multare superbas .
Namque, ubi nostra tuam victrici Marte per undas
Disipet Ionij classem aquoris: hic tua tabent
Agmina deinde fame: frustra que ea vincet aperto,
Te pereunte, mari, & salsis dominabitur aruis .
Iam, si nec pacis mansura pacta, nec ullum
Tempus amicitia Phario cum rege requiras:
(Des libertatem veri) virtutibus aufert
Consilium hoc se longe tuis . at numina faxint
Sancta Deum, mentem ut talis sententia linguat:
Oblectesque ipsam rerum mercede tuarum;
Atque Asia longo soluat se patria luctu .
Nec vos huic tali casus, omnisque laboris
Consortes, laudumque viro, fortuna secunda
In fraudem iaciat noua bella laceessere suadens .
Sed, qualis pelagi deceptus fraude magister
Condidit optati naues intra ostia portus,
Vela decet sauis tandem legere acta procellis,
Nec blando parere mari, sic fatus Alethes .
Et postrema leui clauserunt murmure dicta
Hesperij hermes: quantumque ea cuique molesta
Conditio fuerit, vultu patefecit acerbo .
At pius huc illuc acies circumtulit heros:
Flagrantes oculorum acies, frontesque suorum
Vidit, & hac placido mox illi reddidit ore:
Omnia tu suaues fundens, legate, loquellas
Narrasti, & pacem medius situs inter, & arma .
Si me vester amat rex, & mea laudibus effert
Facta libens; equidem tali feror altus honore .
At vero, qua totius Mahumette minaris
Fidentis populi bellum: cape verba vicissim
Libera more meo, & nullo circumlita fuco .
Nos adeo multos terra, pelagoque labores
Haectenus & luce exhaustos, atque aere caco

Pertulimus:

Pertulimus : solum ut validis inſeſſa Tyrannis
 Illa Dei pateat nobis ad mœnia callis ,
 Immani relleuanda iugo . nil regna , nec aurum ,
 Nec vitam tali profundere fine pigebit :
 Ut meritis celi pariatur gratia noſtris .
 Namque haud nos olim tanta hac ad munera turpis
 Egit auarities , & honorum vaſta cupido .
 Auferat hanc ſuperum genitor de pectore peſtem
 Tam diram , (noſtrum ſi pectore ſerpit in ullo)
 Nec ſinat adſperſum dulci torpere veneno ,
 Quod necet , & mentis placidum ſubrepat in aulam .
 At, ſua quæ ſaxo penitus præcinctæ rigenti
 Corda manus penetrat , tactu mollire ſuaui
 Noſtra etiam ſolet . Hac patrijs nos duxit ab oris
 Impellens , veruitque vlli ſuccumbere caſu .
 Hac arere facit fluuios , & ſidere montes
 Aerios : hiemique gelu cum nubibus aufert ,
 Ardorem aſtati : hac pelagi ſuper aſtra ſonantes
 Deijcit irati fluctus , atrisque cauernis
 Continet , & calo ventos emittit aperto .
 Hac altos aperit muros , arataque cadens
 Agmina ſpargit humi . hinc noſtra fiducia menti
 Naſcitur , & trepidos audax vigor influit artus .
 Non ſibi , non noſtra poſſunt promittere tantum
 Heu fragiles bello vires , non Gallica tela ,
 Non Graij , nec ceruleo cita marmore claſſis .
 Illa modo auxilium nobis , animoſque miniſtret :
 Nil ope mortali vacuos , nil arte relinqui
 Curamus , (nec fas) experti , qualis in umbra
 Nos clypei texat , quo fulmine diſſipet hoſtes .
 Verum , ubi nos linquat (quoniam ſic noſtra repoſcant
 Flagitia , aut arcana ſua placita inuia mentis)
 Ecquis erit noſtrum , terra hac qui vitet humari ?

G

Hac

S O L Y M E I D O S

*Hac terra, quæ membra Dei pallentia quondam
 Accepit gremio: aut viuis hunc luminis vsum
 Inuideat? nec nos mortem patiemur inultam:
 Nec nostras Asiae fortunas perditus orbis
 Riserit, aut iactas cali deflebimus auras.
 Nec tu finge, precor, nos pacem horrere magis, quam
 Mortiferum reliqui bellum: nam regis auemus
 Fœdus, amicitiamque tui; atque id poscimus omnes
 Ore pio; sed, num illius sit subdita scepbris
 Hac tellus, scis ipse, nec est latebra vlla neganti.
 Cur ergo hanc curat? nos extera querere bello
 Regna sinat, placidaque suum regat ipse quiete
 Imperium? sic ille refert: atque aspera corda
 Argantes telo rabies perfixit acuto.
 Idque ferens præ se, labijsque tumentibus audax
 Ante ducem stetit, & rabido sic ore locutus.
 Bellum habeat, qui pacem horret. panuria numquam
 Rixarum fuit. & pacem tu horrere videris,
 Postquam vel primis nostrum non annuis orsis.
 Inde suam limbo vestem sub crura fluentem
 Arripiens curuum in gremium collegit, & illo
 Leniter expanso rursus sic farier orsus,
 Ardentes torquens obliquo lumine vultus:
 O qui adeo varias spernis res, Hoc ego vobis
 Bella sinu, pacemque gero. tu consule tecum;
 Rumpe moram; & quoduis isto nunc delige circo.
 Talia dicta, feri, fœdique iniuria motus,
 Continuo procures vno bellum ore vocare
 Concordes egere omnes, nihil ante moratos
 Magnanimi responsa ducis. vestem ille reflexam
 Excussit, trepidasque sinus laxauit in auras:
 Vosque, ait, ad bellum cunctos crudele laceSSo.
 Hoc dicens, Iani est portas aperire gementes*

Visus:

*Visus: & hinc illum scissa Discordia vitta
Pone sequi, cornuque vocans Furor arma cruento:
Atque oculis rubro suffusis lumine, & igni
Ardere Aleto, & dira fax alta Megare.
Is, qui olim contra caelestes arduus arces
Sustulit ingentem casso conamine molem,
Talis erat forsan. sic illum fronte superba
Caliculis vidit Babylon, astrisque minantem.
Ergo, suscipiens Ductor, regi ista referte
Vestro verba, inquit. Veniat, properetque per aquor
Per terram: bellum accipimus, quodcumque minatur.
Ni veniat, Nili ipse sui nos amne moretur.
Hac effatus, eos dictis dimittere gratis
Incipit, & donis ambos ingentibus ornat.
Calatam ferro galeam largitur Alethi,
Mygdonia prima victor quam cepit in urbe.
Abstulit Argantes enssem, quem vertice toto
Cnosius insignem gemmis, auroque Lycaon
Extulerat, mira artis opus, longeque micantem
Materiam pretio superans. quæ munera postquam
Attentis voluere oculis: Næ tu ocius, inquit,
Ductori Argantes, mediaque in luce videbis,
Quam tua dona mihi clarum vertantur in usum.
Inde abitus veteri veniam de more petiuit:
Atque suo dixit comiti, Nos ibimus, ipse
Ad Solymam versus, nostri tu regis ad aulam
Sole nouo: sed roriferis ego noctis in umbris.
Nam nec voce mea, consignataue papyro
Esse queat, quo tendis, opus (quare omnia regi
Hæc solus responsa refer) nec longius isto
Me iuuat ire loco, & belli procul esse tumultu.
Atque ita, qui nunc nuper erat legatus, in hostem
Euasit dirum Hesperijs, nihil ille reuoluens,*

*Quid**Visus:*

S O L Y M E I D O S

*Quid poscat ratio gentes confusa per omnes ,
 Aut immaturo curans offendere cursu .
 Immo etiam socij responsum eludit hiantis ,
 Impatiensque mora muros contendit ad altos ,
 Stellanti, gradien per amica silentia cali .
 Nox erat , & terras animalia fessa per omnes
 Strauerat alma quies , ventoque immota iacebant
 Aequora , cum tacito labuntur sidera motu :
 Cum nemus omne filet , pecudes , mutaeque natantes ,
 Quaeque maris liquidi latebras , quaeque hospita cynis
 Stagna colunt , pictaeque domo frondente volucres
 Mulcebant curas , atque alto corda sopore .
 At non Hesperius miles , nec Gallica pubes ,
 Magnanimusque heros in somnos lumina soluunt ,
 Aut animos sedant : illos tam magna cupido
 Inceßit , pelago ut croceos Aurora ingales
 Exerat , atque Dei magnam se ducat in urbem :
 Aduentus qua meta fuit , qua meta laborum .
 Et iam iamque vident , radius num se vllus ab Austro
 Proferat , & fuscum ninea riget aera luce .*

F I N I S .



*liber iste mihi Bellicario Bulgarino est
 impmpti librarij trium denariorum;
 Anno salutis 1589. laus Deo.*



005263218

